

Ego pro te praepositus  
Efficiar ditissimus.

186. Compulsus sum fataliter  
Apothecam tuam, miser,  
Hoc fuste meo tangere,  
Certa me tonna ponere.<sup>?</sup>
187. Subulcus pellit circulos,  
Multum laetatur unibos.  
Aperitur vas ligneum.  
Fit fortunae commercium.
188. Eicitur, dissolvitur,  
Festinanter dimititur,  
Duris fit liber vinculis  
Qui jacuit sub circulis.
189. Subulcus intrat concavum  
Vas, aptans corpus proprium,  
Quasi sentiret lectulum  
De floribus compositum.
190. Trux vas obturat unibos,  
Strictim reponit circulos,  
Per locos transit invios  
Ducens porcos pinguissimos.
191. Reversis potatoribus,  
Tres, de potionibus,  
Dum volvunt tonnam in mare  
Audet subulcus dicere:
192. Fiam, fiam praepositus,  
Sub vestris voluntatibus,  
Maris ne jacter fluctibus  
A vobis jam[jam] domitus!?
193. Plenus vino praepositus  
In indignationibus  
Subulco dixit simplici:  
Non est haec vox dulcis mihi.